

Index Initialis.

<i>In supremo .</i>	77. 247. 319	<i>Qua ad pietatis .</i>	460
<i>In supereminenti .</i>	304	<i>Qua ad religionum .</i>	467
<i>Intelleximus .</i>	352	<i>Qua ad Sanctorum venerationem .</i>	65
<i>Inter cetera .</i>	85	<i>Quacumque .</i>	111. 418
<i>Inter gravissimas .</i>	239	<i>Quam semper .</i>	104
<i>Inter multiplices .</i>	26. 317	<i>Quanto numerosi .</i>	1
<i>Inter precipuas .</i>	218	<i>Quoniam .</i>	205. 384
<i>Iustitia ratio .</i>	107		
L			
<i>L Audabilis .</i>	138	<i>R Actio Pastoralis officii .</i>	179
<i>L Licet potestatis .</i>	213	<i>R Regis pacifici .</i>	232
M			
<i>M Agna dona .</i>	237	<i>Regularis disciplina .</i>	410
<i>Magna, qua in dies .</i>	310. 313	<i>Religiosa .</i>	31
<i>Magnus Dominus .</i>	87	<i>Romana Catholica Ecclesia .</i>	356
<i>Majestatis sua .</i>	206. 278	<i>Romanus Pontifex .</i>	58. 96. 141. 152
<i>Manus Domini .</i>	230	<i>Romani Pontificis .</i>	33. 50. 122. 155. 174. 271
N			
<i>N Illus omnino .</i>	340	<i>Romanum Pontificem .</i>	97
<i>Nuper .</i>	137. 269. 457. 480	<i>Romanum decet .</i>	297. 348. 371. 459
O			
<i>O Fficii vestri .</i>	314		
<i>O Omne datum optimum .</i>	234		
<i>Onerosa .</i>	323		
<i>Ordinis vestri .</i>	302. 406		
P			
<i>P Astoralis .</i>	53. 110. 171. 227. 416		
<i>Pastoris aeterni .</i>	408		
<i>Paterna de nostris .</i>	157		
<i>Paterna nostra .</i>	66. 106. 239. 298. 354		
<i>Pia Mater Ecclesia .</i>	65		
<i>Pias Christianissimum .</i>	48		
<i>Præclara Prædecessorum .</i>	262		
<i>Pro injuncti nobis .</i>	124. 126		
<i>Pro nostro munere .</i>	42		
<i>Pro nostri Pastoralis .</i>	463		
<i>Prepensa nostra .</i>	347		
Q			
<i>Q Va ad Beatorum .</i>	209		
<i>Qua ad Ecclesiarum .</i>	465		
R			
S			
T			
V			

CON.

AN. CH.
1594.

I AN. CH.
1594.



CONSTITUTIONES
CLEMENTIS VIII.
ANNO TERTIO.

LXXVII.

Ex Regest. in
Secr. Brev. (a)

Sex Decimas super omnibus Beneficiis Ecclesiasticis Sacularibus, & Regularibus in tota Italia, aliasque Decimas sex super fructibus, quarumcumque Pensionum imponit pro Bello contra Turcas exceptis S. R. E. Cardinalibus, & Duodecim Congregationibus Ordinum non Mendicantium, quæ concordiam cum Camera Apostolica inierunt super solutione subsidii ordinarii temporibus Pii PP. V.

CLEMENS EPISCOPUS
SERVUS SERVORUM DEI

Ad futuram rei memoriam.

Conatus Turcarum, bellique apparatus contra Christianos recenset.



QUANTO numerosi exercitus apparatu, quanto belli impetu, & horribili furore, immanissimus ac perpetuus nominis Christiani hostis Turcarum tyrannus funestam (quam Deus avertat) Christiana Republica calamitatem, & perniciem hoc potissimum tempore molitur, & minitetur, quam item gravia pericula imminant cervicibus Populi Christiani, nisi totis viribus quam celerime, divina juvante gratia, depellantur, horret animus, non modo verbis exprimere, sed vel ipsa tacita mentis cogitatione contemplari. Etenim ex diuturnis, & in testinis Christiana Republica malis, quibus illa nimis jam misere consistatur, in spem maximam creclus, insita quoque audacia, & superbia elatus, hanc rei ex sententia gerenda, tamquam oblatam occasionem, quam pridem (quod dolenter referimus) arripuit, nunc maxime urgendam putat. Videt enim magna cum voluptate firmissima quondam Ecclesie Catholica propugnacula, Regna videlicet amplissima

& florentissima haresum incendiis, bellorum cruenta strage, discordiarum fluctibus, & tempestatibus, non solum debilitata, sed everfa, & prostrata miserandum in modum jacere. Quare ad illa ipsa Regna, & cetera occupanda (tamquam divulsis unius robusti corporis membris) magnum, & facilem aditum sibi patere existimat. Nam & eadem olim arte per similem temporis opportunitatem, Orientale occupavit Imperium, dum Græci, eodem, quo nunc Occidens morbo, haresibus, discordiis, ac civilibus bellis laborabant. Nec tamen benedictus Deus Pater misericordiarum, & totius consolationis, in summo rerum discrimine, ac perturbatione, servos suos sperantes in eo deserit, sed illos misericorditer consolari non cessat. Si quidem dum ferus hostis orientalibus spoliis ditatus, victoriis, ac triumphis ferocior factus, magnos sibi spiritus sumplerat, ingentibus minis barbara, atque immani ferocia vagabatur elatus, neque tantum extremos limites remotaque, ac longinqua, ut olim solebat, Christiani Imperii claustra tentabat, sed intra nostros fines longius progressus irruerat, jamque interiora Germaniæ viscera penetrare conabatur: repente Dominus Deus exercituum optatam magis, quam speratam (si humanas tantum vires spectaremus) victoriam charissimi in Christo filii nostri Rodulphi Romanorum Regis illustris, in Imperatorem electi, copiis licet militum numero, opibus, & bellico apparatu longe inferioribus divinitus concessit, tribus felicissimis præliis, Turcarum exercitu ad interuentionem casto, fugato, deleto: plurimis Pannoniæ Castellis, Oppidis, Arcibus expugnatis, Imperii finibus propagatis. Quo quidem facto quamvis non obscura Divini numinis causam protegentis ope urgens tunc, ac jam jam imminens periculum videatur ad tempus propullatum, bello tamen, quod eunctorum Christianissimum cervicibus impendet, periculosissimo, initium potius, quam finis fuit impositus. Cum enim ad inveteratam illam pene a natura insitam Christiani sanguinis sitim, ac

Frastram tamen eorumdem sperantia trulphi Rodulphi Imperatoris victoria.

Sed inde audacior Turca factus, Germaniæ, Italiæque extrema quoque minatur.

(a) Hanc Constitutionem edidit quoque Margaritus Bullar. Cassinens. Par. II. pag. 13.
Bull. Rom. Tom. V. Par. II.

A

ra-

rabiam inexplabilem, qua teterrimus hostis perpetuo flagrat, accesserit novo furore ardens, ob recentes clades, ultionis, ac vindictae cupiditas, opumque, & copiarum potentia, ac magnitudo fere immensa, his mediocribus damnis illatis, quasi quibusdam irritamentis, laceffita sit potius, quam labefactata: non immerito timendum est, ne (quod certis adestur nunciis) longe majori conatu, ac totis viribus non modo ipsam Romani Imperii Sedem, atque arcem adoriatur, sed mox Italiae quoque, sibi potissimum invisa, a cuius faucibus non longe abest, vastitatem, incendia, excidia, extrema omnia inferre conetur.

Quare Clemens Christia non Principes, ut Rodolpho auxilia ferant admonet.

Semet non exiguum opes eidem allatum spondet.

Sed cum Camera Apostolica alia etiam exhausta impendit impar ad hoc sit.

Clerum Status Ecclesiasticus in parte tante rei vocare se coactum fateatur.

& illorum maxime, qui in sortem Domini vocati sunt, interfit, Religionem universam contra Infideles factam testam perpetuo conservare.

§.3. Habita igitur super his omnibus cum Ven.Fratri nostris S.R.E. Cardinalibus deliberatione matura, de eorum consilio, & assensu indicimus, & imponimus sex integras Decimas omnium, & quorumcumque fructuum, reddituum, proventuum, iurium, obventionum, distributionum quotidianarum, & emolumentorum ordinariorum, & extraordinariorum, omnium, & quarumcumque Ecclesiarum Patriarchalium, Metropolitanarum, Cathedralium, Collegiarum, & Parochialium, necnon Monasteriorum, & Conventuum, ac Mensarum Patriarchalium, Archiepiscopalium, Episcopaliarum, Abbatialium, Capitularium, & Conventualium, Prioratuum quoque, Praepositarum, Preceptoriarum, Canoniatuum, Præbendarum, Dignitatum, Personatum, Administrationum, & Officiorum, ceterorumque Beneficiorum Ecclesiasticorum, cum cura, & sine cura secularium, ac S. Benedicti, S. Augustini, Cluniacensis, Cisterciensis, Praemonstratensis, S. Basilii, Silvestrinorum, & qui proprietates, redditusque certos, ex Privilegio, vel alias possident, Mendicantium, ac quorumcumque aliorum Ordinum utriusque sexus, necnon Congregationum Regularium exceptis praedictis S. R. E. Cardinalibus, ob assiduos, magnosque labores, quos ipsi Ecclesiae universali impendant, & gravissima, qua tuenda dignitatis causa sufficiunt onera, ac exceptis etiam duodecim illis Congregationibus, quae cum Camera Apostolica tempore sel. rec. Pii Papae V. Praedecessoris nostri de subsidio ordinario concordarunt: & praeterea Hospitalium etiam pauperum hospitalitatem non exercentium, seu bona, & redditus ultra infirmorum necessitates, & alia pro quibus instituta pia officia exercenda, possidentium, necnon Beatæ Mariae Theutonicorum, Sancti Lazari de Alto Passu, Templi Domini, & aliarum Militiarum (Hospitalis Sancti Joannis Hierosolymitani, quae pro sui tutela contra dictos Turcas, & alios Infideles alienis auxiliis quotidie indiget dumtaxat excepta) in Italia universa consistentium, secundum verum annum valorem fructuum, reddituum, proventuum, & aliorum praedictorum, nisi aliter cum Sede, & Camera Apostolica fuerit concordatum.

Sex Decimas super omnia Beneficia secularia, & Regularia imponit.

Exceptis Cardinalibus, & duodecim Congregationibus Regularibus, quae temporibus Pii PP. V. pro subsidio ordinario compositionem cum Camera Apostolica injungunt.

Alias etiam sex decimas imponit super fructibus quarumcumque pensionum.

Eisdem exceptis.

§.1. Quapropter Nos in tanta rerum trepidatione, pro ea, quam de ipsius Rodulphi Regis in Imperatorem electi, ac totius gregis Domini nobis divinitus crediti, tam graviter periclitantis salute, praecipuam gerimus sollicitudinem, non solum Catholicos Principes admonere, nostrisque paternis cohortationibus excitare non cessamus, ut ad opem eidem electo Imperatori, in tanto omnium periculo, ferendam, & ad hostis potentissimi, non appropinquantem modo, sed fere praesentem, atque urgentem irruptionem propulsandam occurrant, sed & Nos quoque, quantum possumus, pro nostra rerum temporalium tenuitate in multis Apostolicae Sedis angustiis, conamur re ipsa, communem causam adjuvare.

§.2. Verum, dum nuper, & Praedecessores nostri, & nosmetipsi, his difficillimis temporibus compluribus Principibus Christianis pro sua, & Catholicae fidei defensione opem nostram poscentibus, sapienter auxilia suppeditare, simulque ditionem temporalem S. R. E. multis incommodis vexatam sublevare (ut par erat) coacti fuimus, adeo ingentes sumptus alii super aliis increverunt, & in dies majores excreverunt, ut Camerae Apostolicae redditus ordinarii, ad sustinenda tam gravia expensarum onera, & praeterea, novam hanc molem longe graviolem, comparandi contra tam formidabilem hostem ea praesidia, quae, & in Germaniam citius transferantur, & usui facilius esse possint, nequaquam sufficiant. Quare licet ab initio statuissimus omnia prius experiri, quam ullis Clerum novis exactionibus gravare, tamen his oneribus pressi, & demum repentino hoc malo circumventi cogimur vel invitati nostro proposito paulisper desistere, & ad Ecclesiae peculium, Christiique Domini patrimonium, cuius causa nunc maxime agitur, Nos convertere, sperantes aequissimum quemque urgentis huius, & extremae necessitatis estimatorem, quas pecunias ad arcendum a Sacris Templis, ab Augustali Sede, ab ipsa Italia nefarium Christianae Religionis hostem impia arma inferentem, necessario erogandas videt, eas in tam sanctum, pium, ac vere necessarium usum pro Christiana pietate, satis libenter contributurum: cum praesertim rationi maxime consentaneum sit, ut filii omnium primi Matri egenti subveniant, ac membra capiti obsequantur,

§.4. Ac etiam indicimus, & imponimus sex alias decimas omnium, & quarumcumque pensionum annuarum super fructibus, redditibus, proventibus, iuribus, obventionibus, emolumentis, & distributionibus supradictis in favorem quorumcumque (non tamen Cardinalium, & duodecim Congregationum huiusmodi) assignatarum, & assignandarum, percipiendas, exigendas, & levandas, ab omnibus, & quibuscumque Episcopis, Archiepiscopis, & Primatibus, Patriarchis, & aliis Ecclesiarum Praelatis, ac ceteris cuiuscumque dignitatis, gradus, sta-

status, & conditionis Personis praedicta quocumque jure, & titulo obtinentibus, & obtenturis, necnon Oeconomis, & Administratores perpetuis, & temporalibus usufructuariis, ac fructus, pensiones, res, & alia huiusmodi jura ex quacumque causa sibi Apostolica auctoritate in toto, vel in parte reservata habentibus, & habituris, secularibus, & regularibus, Ordinum, Congregationum, Militiarum, & Hospitalium, (non tamen Sancti Joannis) praedictorum, necnon ab ipsis Ecclesiis, Cappellaniis, Conventibus, Ordinibus, Congregationibus, Collegiis, Hospitalibus, Militiis, Mensis, Massis, & Locis, quocumque Privilegio, & exemptione reali, personali, & mixta, antiqua, & immemorabili, pacifica, & continua sussultis.

Terminos solutionibus faciendis praenit.

Depositarium instituit ad eas custodiendas pro bello contra Turcas.

Non solventes, fraudulenter committentes poenis hic indicatis coartet.

Decimas pensionum a Beneficiis possidentibus pensionariis nomine solvendas esse declarat.

Modum exigendi praescribit.

§.5. Quos omnes ad hos obligatos pro una intra proximum diem Festum Sancti Michaelis Archangeli, qui mense Septembris incidit, & pro alia partibus aequalibus, intra illum ipsum diem Festum consequentis proximi anni, Camera praedicta, & illius Depositario Generali ad id constituendo, omnino volumus perfolvisse.

§.6. Eiusdem vero Depositarii munus erit, sedulo curare, ut quidquid pecuniarum ex decimis colligetur, id diligenter, ac fideliter asservetur de mandato nostro speciali, in praedicti belli contra Turcas gerendi usus dumtaxat, ac alias erogandum.

§.7. Quicumque vero decimas huiusmodi, nullo modo, vel non integre scienter, aut non secundum verum annum valorem fructuum, reddituum, proventuum, iurium, obventionum, distributionum, & emolumentorum, vel concordiam cum Sede, & Camera praedicta, ut praesertim in eundem, sive non in terminis constituendis exhibuerint, seu in illorum exhibitione malitiam commiserint, sive fraudem, Ecclesiarum Antistites suspendimus a divinis, Capitula vero, Conventus, & Collegia quaecumque Ecclesiastico interdictio suppominus, ac singulares personas antistite inferiores excommunicationis sententia innotamus.

§.8. Ceterum ad praedictas decimas consequendas praecipimus etiam omnibus conductoibus, censuariis, & locatoibus proprietatum, fructuum, rerum, & iurium praedictorum, etiam huiusmodi pensionibus oneratorum, & utrasque decimas nomine Dominorum, ac Pensionariorum ad computum suae quisque locationis: Omnibus vero possessoribus, usufructuariis, & aliis, pensiones solvere debentibus, ut ipsi etiam decimas pensionum huiusmodi nomine pensionariorum, Camera, & Procuratoribus praedictis, integre perfolvant.

§.9. Decernentes decimas fructuum, proventuum, & aliorum iurium praedictorum, secundum verum valorem annum, vel saltem juxta taxam, de qua, cum Sanctae Romanae Ecclesiae Camerario, nostroque, & Camera praedictae Thesaurario Generali, ut praesertim, concordaverint, alias vero pensionum decimas, ad rationem decem pro

centenario praestari deberi, & secundum ea, praedictos omnes in solidum cogendos esse; ipsarumque Decimarum Procuratores, a quibus liberit integre exigendi optionem, facultatemque habere, neque alias immunitates, & exemptiones etiam ex causa re-signationis, cessionis, juris, concordiae, conventionis, aut quacumque alia gravi, & onerosa occasione quocumque modo concessas, & iterum concedendas, integram solutionem huiusmodi minuire, vel impedire, neque possessores usufructuarios, aut alios pensiones huiusmodi solvere debentes, etiam ipsi juri, & actioni petenda, vel detrahenda, vel retinenda portionis, & raris partis Pensionarios contingentis iurejurando renunciaverint, atque ex forma dictae Camerae amplissima caverint modo aliquo obligari, nec ad id pro dicto tempore constringi posse. Omnes vero confessiones, & quietantias receptionis Decimarum a Procuratoribus, & Ministris Camerae praedictae tam Conductoibus, Censuariis, Locatoibus, nomine suorum Principum, quam etiam ipsis, necnon Possessoribus, usufructuariis, & aliis pensiones solvere debentibus, nomine pensionariorum faciendas perinde valere, atque in iudicio, & extra iudicium, ubique locorum fidem facere, ac si ipsimet Principalibus, & Pensionariis praesentibus, & solventibus factae, & exhibitae fuissent. Conductores autem, qui pretium locationis Dominis legitime anticipaverint, locationem suam huiusmodi, quam ad hoc prorogamus usque ad integram satisfactionem, ut prius, etiam adveniente Successore continuare debere.

Clause pro praedictorum omnium firmitate.

§.10. Sicque per quoscumque Judices ordinarios, & delegatos, etiam causarum Palatii Apostolici Auditores, ac Sanctae Romanae Ecclesiae Cardinales in quavis causa, & instantia subjata eis, & eorum cui libet quavis aliter iudicandi, & interpretandi facultate, & auctoritate ubique iudicari, & definiti debere, necnon irritum, & inane, quicquid secus per quoscumque scienter, vel ignoranter contigerit attentati.

Camerasium huiusmodi decimarum Collectorem constituit, cum amplis facultatibus.

§.11. Ut autem omnia supradicta, sicut causa urgens postulat, diligenter, & fideliter executioni demandentur, dilectum filium nostrum Henricum Sanctae Pudentianae Presbyterum Cardinalem Cajetanum nuncupatum S. R. E. Cardinalem Camerarium, cuius integritas, & experientia jam pridem Nobis perspecta est, Generalem omnium Decimarum praedictarum collectorem in universa Italia, cum omnibus, & quibuscumque privilegiis, jurisdictionibus, ac iuribus, quae omnes alii ante hac huiusmodi Collectores habuerunt, auctoritate praedicta tenore praesentium constituimus, & deputamus, eique plenam, liberam, & absolutam potestatem, facultatem, & auctoritatem tribuimus, omnes ipsas Decimas, Camera praedictae nomine, ubique procurandi, praedictos omnes tam conjunctim, quam divisim ad integram illarum solutionem (uti praedictum est) faciendam

etiam per Edictum locis publicis affigendum monendi, & requirendi, non parentes, fraudantes, & ceteros contumaces in censuras, & poenas praedictas incidisse declarandi, proprietates, res, fructus, & alia bona ipsorum etiam manu Regia apprehendendi, & usque ad condignam satisfactionem retinendi: Contradictores, & perturbatores, molestatores, & rebelles quoscumque, eisque auxilium, consilium, vel favorem publice, vel occulte, quovis quaesito colore praestantes cujuscumque dignitatis, gradus, & ordinis fuerint, praedictis aliisque censuris, & poenis Ecclesiasticis, necnon pecuniariis, ceterisque juris, & facti remediis compellendi, illasque etiam iteratis vicibus aggravandi, dignitatibus, beneficiis, & officiis omnibus privandi, & amovendi, & ad futura inhabiles faciendi, interdictum Ecclesiasticum apponendi, auxiliumque brachii secularis, quodcumque opus fuerit, invocandi. Ad sanitatem vero reversos, qui debite satisfecerint, ab omnibus censuris, & poenis supra dictis in forma Ecclesiae consueta absolvendi, super irregularitate forsitan incurfa dispensandi, & ad pristinum statum omnino restituendi. Praeterea collectores, & subcollectores fidei, & facultatis idoneos, in omnibus Civitatibus, Terris, & Provinciis Italiae praedictae, quotquot viderit expedire, cum simili, aut limitata (non tamen absolvendi) potestate constituendi, eumque, vel eos arbitrio suo revocandi, negligentes, & morosos removendi, ac alium, seu alios furrogandi, quotiescumque ei videbitur, in delinquentes, & suspectos per se, vel alium, seu alios etiam simpliciter, & de plano, ac sine strepitu, & figura Judicii, inquirendi, & meritis poenis puniendi, modos, & formas in praedictis servandos praescribendi, dubia quaecumque in praemissis forte oritura declarandi, & prorsus omnia, & quaecumque circa ea necessaria, & opportuna faciendi, statuendi, & exequendi, etiam si talia forent, quae mandatum exigere magis speciale, quam praesentibus est expressum.

§.12. Non obstantibus pia memoriae Bonifacii Papae VIII. etiam Praedecessoris nostri de una, & in Concilio generali edita de duabus dietis, ac aliis Apostolicis Constitutionibus, necnon Ecclesiarum, Monasteriorum, Ordinum, Congregationum, Hospitalium, Militiarum, & Locorum praedictorum, juramento, confirmatione Apostolica, vel quavis firmitate alia roboratis, statutis, & consuetudinibus, stabilimentis usibus, & naturis. Quodque Praelatis, & personis praedictis, eorumque Ecclesiis, & locis, vel quibusvis aliis communiter, vel divisim a praedicta Sede sit indultum, quod interdicti, suspendi, vel excommunicari non possint, per literas Apostolicas non facientes plenam, & expressam, ac de verbo ad verbum de indulto, necnon personis, earumque nominibus, & cognominibus, Ecclesiis, Monasteriis, Ordinibus, & locis hujusmodi, mentionem, & quibuslibet aliis privilegiis, exemptionibus, immunitatibus

Obstantibus quibuscumque derogat.

in genere, & in specie quomodocumque concessis, confirmatis, & innovatis etiam solutionem Decimarum, aliter quam secundum antiquam taxam, nisi in universali Decimarum per orbem impositione, fieri prohibentibus, necnon promissionibus, donationibus, obligationibus, juramentis, renunciationibus, vinculis, & cautelis in assignatione praedictarum pensionum factis, quibus per impositionem Decimarum hujusmodi neminem teneri, neque eas quoad praemissa contra quemquam locum habere declaramus, aliisque indultis, & literis Apostolicis generalibus, & specialibus cujuscumque tenoris existant, per quae praesentibus non expressa, aut omnino non inserta effectus earum impediri valeat quomodolibet, vel differri, & de quibus, quorumque totis tenoribus habenda sit in nostris literis mentio specialis. Quae omnia contra praemissa, nolumus cuiquam in aliquo suffragari, necnon aliis hujusmodi impositionibus, & concessionibus ad tempus nondum elapsum per Nos factis, ceterisque contrariis quibuscumque.

§.13. Ceterum in percipiendis decimis praedictis, Constitutionem rec. mem. Clementis Papae V. similiter Praedecessoris nostri in Concilio Viennensi editam, quod decima ad monetam currentem communiter levari, nec calices, libri, ceteraque Ecclesiarum ornamenta divino cultui dicata, ex causa pignoris capi, percipi, vel distrahi, aut alias quomodolibet occupari debeant, ubique volumus observari.

§.14. Quin etiam praecipimus, ne quisquam, etiam plura quantumque valoris beneficia Ecclesiastica, seu plures pensiones, aut fructus, seu talia mixtum obtinens pro litera, & sigillo, quietantiae universalis, si illam habere voluerit, ultra unum carlenum, conscientem quatenus triginta septem hujus monetae solvere teneatur, nec ad aliud onus etiam prae-textu cambii quisquam compellatur.

§.15. Quia vero difficile nimis esset praesentes literas quocumque illis opus erit, perferri; Volumus quoque, ut illarum exemplis etiam impressis, & Notarii publici manu, ac Henrici Cardinalis, & Camerarii praedicti, aut alterius Collectoris, seu Praelati Ecclesiastici, ejusve Curiae sigillo obfirmatis, eadem prorsus fides in Judicio, & extra illud ubique locorum adhibeatur, quae illis ipsis adhiberetur, si essent exhibitae, vel ostensa.

§.16. Nulli ergo omnino hominum liceat hanc paginam nostrorum inditionum, impositionum, statuti, suspensionis, suspensionis, innodationis, decreti, prorogationis, constitutionis, deputationis, tributionis, voluntatis, & praceptorum infringere, vel ei ausu temerario contraire. Si quis &c.

Datum Romae apud S. Petrum Anno Incarnationis Dominicae millesimo quingentesimo nonagesimo tertio, decimosexto Kalendas Martii, Pontificatus nostri Anno Tertio.

Sacras suppellectiles loco monetae percipi prohibet.

Taxam pro Quietantia praefinit.

Hujus Constitutionis exemplis crediti jubet.

Clausula.

Dati de 14. Feb. 1594. Ann. III.

Con-

Concessio Privilegiorum Mercatoribus, ad portum Civitatis Anconae merces advehentibus, vel ibi mercaturae causa domicilium constituentibus, & jurisdictionio Consulum illorum causas cognoscendi.

Quo ad Hebraeos Anconae degentes, vide hujus Pontificis Const. LII. Coeca. Tom. V. Par. I. fol. 426.

CLEMENS EPISCOPUS
SERVUS SERVORUM DEI
Ad perpetuam rei memoriam.

Causae hujus Constitutionis.

EX Apostolicae servitutis officio cum suscipimus sollicitudinem, in locis potissimum ditioni Nostrae, etiam in temporalibus subiectis, ut cunctis mortalibus maxime vero exteris nationibus eo consuetibus iustitia aequa lance ministraretur, neque eorum cuiquam injuria, aut gravamen aliquod inferatur, sed ut Christianam potius, ac praesertim Apostolicam pietatem, ac benignitatem, vel in ipsa regiminis forma agnoscant, & admirentur, tum vero ut Civitatum, ac Populorum Status Ecclesiastici publica, & privata commoda, communemque utilitatem, pro ea, qua tenemur paterna, ac Pastoralis vigilantia modis omnibus procuremus. Quare cum inter alia, quae huc pertinent, illud certe non mediocri momenti sit, ut commercium maritimum inter Subditos nostros, & Mercatores diversarum praesertim Orientalium Regionum, qui Anconitano, ac reliquis ditionis nostrae praedictae Portibus cum Navibus onustis mercibus ad victum, & communem usum utilibus, ac necessariis appellunt, non modo conservetur, sed majori in dies Deo juvante Navium multitudinem, & frequentiam, Mercatorum concursu, & celebritate, mercium copia, & ubertate augeatur. Operae pretium duximus, & illa de medio tollere gravamina, aut impedimenta, quae ipsos fortasse abducere, aut retrahere possent, & eos contra gratiarum, immunitatum, & privilegiorum benigna, ac liberali concessione, & promissa sub fide publica securitate invitare, ac subditos demum nostros, qui ad alia externa emporia confluant, ab alienis ad propria etiam, si opus erit, proposito alicujus damni periculo revocare.

Exemptio a gabellis, pro Mercatoribus exteris ex Orientalibus partibus Anconam adducenibus, vel ibi mercaturae causa domicilium constituentibus.

§.1. Si qui igitur Mercatores, etiam exteri, ex quacumque Gente, & Natione oriundi, Naves comparare, & instruere, & in eis ultro citroque commeano merces ex Orientalibus partibus Anconam adducere, vel in ipsa Civitate Anconitana, ut venturarum mercium pericula, sub certis sponsonibus suscipiant, sive ut alias quoquo modo Mercatura negotiis operam navent, domicilium sibi parare, & constituere voluerint, eos omnes, & singulos ab omnibus impositionibus, datis, oneribus, gabellis, collectis, subsidiis, contributionibus,

bus, ad quae Clives, & Incolae Anconitani, alias quam ratione mercium ipsarum venalium, quomodolibet tenentur, haecenus indictis (illis exceptis, quae Camera Apostolica debentur) nec non etiam posthac forsitan indicendis quibuscumque, etiam si illorum exactionem, per eandem Camera, ejusve Officiales, & Ministros fieri contingat, auctoritate Apostolica tenere praesentium perpetuo eximimus, & liberamus, exemptosque, & immunes, ac ad illorum solutionem nequaquam teneri, neque ad id a quoquam cogi, vel compelli posse decernimus, & declaramus, perpetuamque immunitatem, & exemptionem superius expressam, eorum singulis gratiose, & liberaliter concedimus, & clar-gimur.

Salviconductus a Camera Mercatoribus diti soliti, confirmantur.

§.2. Quoad eos vero Mercatores illarum gentium, & nationum quibus per edicta publica, seu literas patentes dilecti filii nostri moderni, & pro tempore existentis Sanctae Romanae Ecclesiae Camerarii, salviconductus, ut ajunt, concedi solent, eis nos quoque ad Anconitanum Portum, & Civitatem tutum, securum, & liberum commeatum, remeatum, accessum, & recessum, commercium, ac veniendi, & redeundi, & occasione mercium, quandiu opus fuerit, Anconae commorandi, & cum ipsis subditis nostris liberam occasione mercium ipsarum contrahendi licentiam, ac plenissimum, super praemissis omnibus, ut dicunt, Salviconductum perpetuo concedimus, & impartimur.

Eos perturbati cavetur.

§.3. Inhibentes, ne quis eos, tamquam sub fide publica praesentium auctoritate assecuratos quoquo modo molestare praesumat. Quinimmo vehementer etiam atque etiam hortamur in Domino, & per Apostolica scripta monemus universos, & singulos, nunc, & pro tempore existentes Praefectos, & Milites Classium, ac Triremium, tam Carissimi in Christo filii nostri Hispaniarum Regis Catholici, & cujuscumque Regni Provincia, & Insula ei subiecta, quam etiam dilectorum filiorum nobilium Viro-rum Ducis, & Domini Venetorum, nec non Magni Etruriae sibi subiectae Ducis, & Sancti Joannis Hierosolymitani, ac S. Stephani, & quarumcumque aliarum Militiarum, nec non Dalmatarum Uscocchi nuncupatorum, & ceterarum omnium Rerum publicarum, & Principum, ne illis unquam Navigiis onerariis, quae merces ad Civitatem Anconitanam, ac alia ditionis nostrae loca comportant, ipsive Mercatoribus, aut Nautis, ut praefatur assecuratis damni, detrimenti, aut impedimenti aliquid in rem, vel in personam inferant. Quinimmo habentes eos pro nostra, & Sedis Apostolicae reverentia propensius commendatos, in exercenda hujusmodi mercatura omnem illis opem, operam, favorem, auxilium, enixe, ac benigne impendant, scituri se in hoc obsequium Nobis, & eidem Sedi gratissimum praestituros, & si contrafecerint, censuras, & poenas Ecclesiasticas, & temporales contra Pyratas, & Pradones

Confirmatio Statutorum a Paulo Tertio concessarum Hebrais Orientalibus Anconae commorantibus.

Declaratio Constitutionis contra Hebraeos Anconae de generis.

Prohibitio emendi mercem ex partibus Orientalibus, per mare Adriaticum, ad alios Portus ejusdem maris, extra Statum Ecclesiasticum delatas, & postea in d. Statu comportatas sub poena hic expressa.

dones nostra maria infestantes inflicta incursumos.

§.4. Verum his, qui Anconae nunc, & pro tempore commorantur Hebrais Orientalibus, eorumque Universitati, per eandem praesentes concedimus, & indulgemus, ut Statutis, & Capitulis, eis alias per fel. rec. Paulum PP. III. Praedecessorem nostrum concessis, sive permisis, cum ea tamen moderatione quoad primum, & cum eis limitationibus, & restrictivis, quo ad reliqua, quae nuper a dilecto filio nostro S. R. E. Camerario, adjecta, & edita fuerunt, & non alias, uti libere, & licite valeant, illaque omnia, & singula, quorum tenores praesentibus haberi volumus pro expressis, cum moderatione tamen, & limitationibus, & restrictivis hujusmodi, auctoritate Apostolica tenore praesentium approbamus, & confirmamus, eisque perpetuae, & inviolabilis firmitatis robur adjicimus.

§.5. Declarantes insuper, literas nostras de eisdem Judaeis ex toto Statu praedicto, praeterquam Roma, Avinione, & Ancona expellendis nuper editas, ipsis Hebrais Orientalibus, vel aliis Anconae domicilium habentibus non obesse, quo minus ad quaecumque Status Ecclesiastici loca pro exigendis creditis occasione mercium praedictarum contractis accedere, & per ea discurrere libere, & licite valeant, nec propterea a quoquam molestari queant, dummodo super hoc literas testimoniales, de eorum origine, & iusta hujusmodi itineris causa fidem facientes a venerabili Fratre nostro Episcopo Anconitano, seu pro tempore existente Gubernatore ejusdem Civitatis subscriptas secum deferant.

§.6. Ceterum, quia saepe contingit, merces ex Oriente per Mare Adriaticum advehas, prius ad alios Portus Maris Adriatici extra ditionem Ecclesiasticam sitos appellere, & exonerari, deinde vero ad Statum nostrum Terra, Marive comportari, districte interdiximus, & prohibemus, ne quis omnino ex subditis nostris praedictis posthac umquam perpetuis futuris temporibus, merces cujusque generis, qualitatis, & quantitatis, ex partibus Orientis per Mare Adriaticum, ad alios extra ditionem praedictam ejusdem Maris Adriatici Portus prius delatas, & exoneratas, ac postmodum terra, marive ad loca Status Ecclesiastici comportatas, emere quoquo modo audeat. Cujus quidem prohibitionis si quis transgressor, & violator extiterit, ita ut Merces quascumque prius quidem ad Portus Adriatici Maris extra ditionem nostram constitutos allatas, & exoneratas, deinceps Anconam, vel ad alia Status nostri loca, terra, aut mari comportare praesumat, Volumus, ut quasi cujusdam multa nomine, ultra solita, & vetera vestigalia, novum etiam solvere teneatur, duodecim nimirum pro centenariis ejus pretii, quo res ipsa aestimata erunt. Hujusque vestigialis novi, quod harum serie imponimus, atque indicimus, exigendi facultatem ceterorum vestigialium conductoribus, & exactoribus, de quo ta-

men Nobis, & Camerae Apostolica sigillatim rationem reddere debeant, per praesentes tribuimus.

§.7. Quod si quando Triticum, seu Frumentum ad Portum Anconitanum advehi contigerit, prohibemus dilectis filiis Communitati, & hominibus ejusdem Civitatis nostrae Anconitanae, ne in posterum cujusvis privilegii, aut consuetudinis, etiam antiquae, & immemorabilis pretextu, etiam pro eorum usu necessario, frumento hujusmodi Navibus adveho pretium aliquod certum ullo modo praescribere, & eo oblato, vel soluto triticum sibi vindicare audeant, sed si frumento indigerint, ad illud commendandum, sicuti alii advena emptores, nullo prorsus discrimine concurrant.

§.8. Insuper universis, & singulis Mercatoribus, ad eundem Portum Anconitanum merces undequaque conventibus indulgemus, ut non prius ad solutionem vestigialium pro ipsis mercibus injunctorum teneantur, nec cogi aut compelli possint, quam easdem merces vendiderint, aut alio reportaverint, ac pro ea tantum rata, qua res ipsas vendi aut exportari contigerit.

§.9. Postremo cupientes opportune providere, ne a Magistratibus ad purgandum merces ex locis pestiferae contagionis suspectis pro tempore advehas in eadem Anconitana Civitate deputatis Consulibus sanitatis vulgo nuncupatis, sub pretextu cavendi ab hujusmodi morbi periculo, gravamen aliquod ipsis Mercatoribus inferatur, sed, & salubritati, ut par est consulatur, & tamen debita inter Mercatores aequalitas servetur, ac omnes cessent querela, statuimus, & ordinamus, ut deinceps per dictos Consules in adventu Navium exterarum, nihil circa personas, & merces in dictis Navibus existentes sine Gubernatoris pro tempore existentis, cum eis conjunctim procedentibus consensu, praesentia, & interventu, prohiberi, permitti, statui, decerni, judicari, aut definiti valeat.

§.10. Denique, ne Mercatores, ac personae quaecumque ad Portum ipsum confluentes, vel inibi commorantes, litium dispendiis, atque incommodis ab hujusmodi commercio distraherentur, omnia privilegia de causis inter Mercatores, sive alios quoscumque incolas, sive externos, occasione Mercaturae, & negotiorum hujusmodi pro tempore motis, tam in prima, quam in secunda instantia, intra Civitatem ipsam Anconitanam, nec alibi cognoscendis, & terminandis per quoscumque Praedecessores nostros quomodolibet concessa, auctoritate, & tenore praemissis perpetuo approbamus, & confirmamus, & illa, quatenus opus sit, de novo concedimus, itaut nec pretextu privilegiorum Rotae Maceratae, quibus in hac parte, & in quantum indultis Civitatis Anconae quomodolibet praesudicent, harum serie ex certa nostra scientia derogamus, nec alio quovis colore, alibi extra d. Civitatem Anconitanam in quacumque instantia trahi, seu conveniri possint.

Triticum ad Portum Anconae adveho, libere cuique vendi possit.

Mercatores non solvunt gabellam, atque merces vendit, vel alio asportent.

Consules Civitatis, nihil circa personas & merces Navium exterarum agant, absque interventu Gubernatoris Anconae.

Causae Mercatorum ibi cognoscantur.

Qui-

Forma eligendi Judices ad eas cognoscendum cum facultate summarie &c. procedendi.

Ipsi Judices, & Gubernator, nihil recipiant de Mercibus Navium, neque emant.

Decretum irritans, & clausula sublata.

Executoriū deputatio, & facultate.

§.11. Quinimmo, ut controversiae, & lites hujusmodi, quamcivillime, & minimo dispendio terminentur, statuimus, ut quotannis, ex numero Mercatorum inibi commorantium tres Consules eligantur, alter nimirum ex Florentina, alter vero per Ultramarinos, ac tertius ex alia quavis Natione, arbitrio Universitatis Mercatorum in praedicta Civitate degentium eligendus, quorum, vel duorum ex eis conjunctim procedentium iudicio, causae omnes inter Mercatores invicem, seu inter illos, & alias personas, aut etiam inter alios quoscumque occasione Mercaturae quomodolibet motae, & movendae, summarie, simpliciter, & de plano, sine strepitu, & figura iudicii, sola facti veritate inspecta cognoscantur, audiantur, & decidentur. Consules vero praedicti Assessorum aliquem juris peritum suo arbitrio assument, cujus voto in ejusmodi causis definiendis uti possint. Quod si res, de quibus agatur, valorem quadraginta scutorum non excedunt, a sententiis, vel decretis vim definitivae habentibus, eorumdem Consulum non liceat provocare. Sin autem praedictam summam excesserint, non ad alium iudicem fas sit appellare, quam ad septem, vel octo Mercatores sorte extrahendos, qui hujusmodi causas appellationum etiam summarie, simpliciter, & de plano, sine strepitu, & figura iudicii sola facti veritate inspecta terminent, nec ulterius, quam semel tantum, ut praesertim, ulla omnino appellatio detur. Atque in eligendis Consulibus modus, & forma servetur, quae in statutis per praedictum Sanctae Romanae Ecclesiae Camerarium, ac dilectum filium nostrum, & Cam. Apostol. Thesaurarium Generalem edendis praescribitur, eorumque munus, & jurisdictionem, prout eisdem statutis factis a Camerario, & Thesaurario declarabitur.

§.12. Caveant autem iidem Consules, & Gubernator, ne ex Navibus, & mercibus hujusmodi quicquam sive parvum, sive magnum, etiam emptionis, sive alio quovis contractus, aut donationis titulo, etiam sponte oblatum accipere quoquo modo praesumant, alioquin noverint, se graves arbitrio nostro poenas incursumos.

§.13. Decernentes, sic in praemissis universis, & singulis per quoscumque Judices, & Commissarios quavis auctoritate fungentes, etiam ejusdem Civitatis Gubernatorem, sublata eis, & eorum cuilibet quavis aliter iudicandi, & interpretandi facultate, & auctoritate, ubique iudicari, & definiti debere: necnon irritum, & inane, si secus super his a quoquam quavis auctoritate, scienter, vel ignoranter contigerit attentari.

§.14. Quocirca tam praedictis Camerario, & Thesaurario generali, quam dilectis filiis Cam. Apost. Praesidentibus Clericis, & eorum cuilibet, per Apostolica scripta mandamus, quatenus ipsi, vel duo, aut unus eorum praesentes literas ubi, & quando opus erit, & quatenus pro parte eorum, quorum intererit, requisiti fuerint, fo-

lemniter publicantes, eorumque singulis in praemissis efficacis defensionis praesidio assistentes, faciant per se, vel alium, seu alios auctoritate nostra, illas, & in eis contenta quaecumque firmiter observari. Contradictores quoslibet, & rebelles, & praemissis non parentes per sententias, censuras, & poenas Ecclesiasticas, aliaque opportuna iuris, & facti remedia, appellatione postposita compefcendo, invocato etiam ad hoc, si opus fuerit, auxilio brachii secularis.

§.15. Non obstantibus Constitutionibus, & Ordinationibus Apostolicis, ceterisque contrariis quibuscumque.

§.16. Volumus autem quod praesentium transumptis Notarii publici manu subscriptis, & sigillo alicujus personae in dignitate Ecclesiasticae constitutae munitis, eadem prorsus fides adhibeatur, quae praesentibus adhiberetur, si forent exhibitae, vel ostense.

§.17. Quodque eadem praesentes in valvis Basilicae Principis Apostolorum de Urbe, & in acie Campi Florae, ut moris est publicentur, ac deinde quo ad praedictam prohibitionem emendi merces extra Statum Ecclesiasticum elapsis quatuor mensibus, quoad reliqua vero statim ab ipsa die publicationis hujusmodi, cunctos quos concernunt non minus afficiant, quam si eorum cuique personaliter intimata fuissent.

Nulli ergo &c. Si quis &c.
Datum Romae apud S. Petrum, Anno Incarnationis Dominicae millesimo quingentesimo nonagesimo tertio, octavo Idus Martii, Pontificatus nostri Anno III.

LXXIX.

Facultas XII. Congregationibus Regularibus, quae a solutione Decimarum impositarum pro Bello contra Turcas fuerant exemptae, augendi Montem Novenalem pro summa sexaginta millium scutorum in eandem rem impendendorum.

CLEMENS. PAPA. VIII.

Ad futuram rei memoriam.

IN maximis reddituum angustiis, sicut divinae placitum est voluntati, constituti, & a gravissimis expensarum difficultatibus undique circumventi, opportuna quaeque remedia excogitare, & congrua undecumque possumus, subsidia expetere compellimur.

§.1. Sane nuper, ut opem aliquam charissimo in Christo filio nostro Rodulpho Romanorum Regi Illustri in Imperatorem electo, adversus Turcarum ex Hungariae finibus erumpentium, impetus, afferre valeremus, quod certe aliter facere non poteramus, sex decimas a personis Ecclesiasticis, Beneficia Ecclesiastica, aut super eorum redditibus pensiones annuas obtinentibus, & percipientibus, intra biennium persolvendas, ac alias sub certis modo, & forma, tunc expressis, imposuimus, prout in nostris

Clausulae derogatorie.

Transumptorum fides.

Forma publicationis, & sanctio poenalis.

D.P. An.III. die 3. Martii.

Ex Regest. in Secret. Brevis.

Procedimus.

Sex Decimas super Beneficiis Ecclesiasticis se imposuisse narrat pro Bello contra Turcas.

1594. Sed ab eis li-
beralle duodecim
Congregaciones Re-
gulares, que
sub Pio PP. V.
ordinarij sub-
sidium futuri-
mistraverant.

Esalem vero
Congregaciones
subsidium
millium scutorum
obtulisse.

Quare Cle-
mens ad ea
paranda, iis
facultate con-
cedit Montem
Novennalem
augendi;

fris desuper confectis literis, continetur. Ab eisdem vero Decimis persolvendis, infra scriptas duodecim Regulares Congregaciones exemptione, & libertate sibi alias a se: re: Pio Papa V. Prædecessore nostro concessa, frui, & gaudere debere volumus, & declaravimus, easque ab ipsarum Decimarum solutione, nominatim exemimus, & liberavimus.

§.2. Ipse tamen Congregaciones urgentes necessitates nostras considerantes, ac opportunum aliquod subsidium Nobis præstare volentes, summam sexaginta millium scutorum monetæ, se Nobis, hoc anno præstaturas esse, obtulerunt, quam Nos oblationem gratiam habuimus, ac vicissim, ne ipsæ Congregaciones nimium inde dispendium, & damnum patiantur, providendum censuimus;

§.3. Ideo, cum a Ministris nostris Cameralibus, qui negotium cum earumdem Congregationum Procuratoribus diligenter consularunt, relatum Nobis fuerit, Congregaciones ipsas, quæ summam prædictam in promptu non haberent, absque alienatione aliquorum bonorum, nulla alia minus damnosa, & dispendiosa ratione, summam prædictam congerere posse, quam si Nos eis augendi Montem Novennalem, assignata ipsi Monti a dictis Congregationibus certa reddituum summa, quæ etiam tempore sel. rec. Pii Papæ V., ab ipsis fere persolvebatur, licentiam, atque facultatem tribueremus; Motu proprio, & ex certa scientia nostra, Congregationibus prædictis, Cassinensi nimirum, & Montis Oliveti, Ordinis S. Benedicti, Lateranen. Canonicorum Regularium, sub Regula Sancti Augustini, Carthusianorum, Camaldulensi, Coelestinorum, S. Salvatoris Bononiensis, etiam Canonicorum Regularium, Vallis Umbrosæ, Cruciferorum, & Sancti Georgii in Alga pariter Canonicorum Regularium, Cisterciensium quoque Lombardiæ, ac S. Hieronymi, eorum Generalibus Procuratoribus, quamvis ad hoc speciale mandatum non habeant, ut dilecti filii Procurator Generalis Congregationis Cassinensis, & Prior S. Petri ad Vincula, Ordinis S. Salvatoris, nomine omnium aliorum Procuratorum Generalium prædictorum, cum interventu dilecti filii nostri, & Camera Apostolicæ Thesaurarii Generalis, taxam aliquam inter se, pro cuiusque ipsarum facultate, reddituum annuorum constituerent, aut alias ratam partem reddituum, prout cuilibet ex Congregationibus prædictis minus incommodum, & damnosum esse, ac prout magis expedire judicaverint, assignare, seu pro illis, qui ad rationem septem pro centenariis nunc etiam dicto Monti solvunt, ad sex, sicut alii, reducere, illamque summam de novo dicto Monti applicare, quæ sufficiens sit pro summa sexaginta millium scutorum, quam ab eis, hoc anno, recipi volumus, congerenda, factaque taxa huiusmodi, eandem Monti prædicto Novennali ultra alias taxas, seu ratam reddituum dicti Montis, quas una-

quaque dictarum Congregationum post reductionem ab eis, vigore literarum in forma Brevis sel. rec. Gregorii Papæ XIII., sub die 25. Januarii anni 1581., Pontificatus sui Anno Nono, concessarum, factam, solvere tenentur, assignare, applicare, & incorporare, ac super taxa, seu rata sic faciendâ, assignanda, & incorporanda, postquam, ut præfertur, assignata, & incorporata fuerit, totidem loca, quorum fructus ad rationem sex, prout antiquorum eisdem Montis locorum fructus solvuntur, persolvantur, prædicto Monti addere, quot pro summa prædicta sexaginta millium scutorum, congerenda necessaria erunt, nec non eisdem omnibus Procuratoribus Generalibus, postquam per dictos duos taxa, & assignatio prædictæ factæ fuerint, tam super taxa inter ipsas Congregaciones, pro rata, quamlibet suarum Congregationum respective tangente nominatim dictas Congregaciones uniuscuiusque Procurator Generalis, videlicet suam, etiam si ab ea speciale mandatum in Capitulo Generali, aut alias, juxta Constitutiones ipsarum Congregationum factum non habeant, suæque bona, & redditus, ac proventus universa etiam in ampliori forma Camera Apostolicæ obligare, & hypothecare nominatim possint, debeant, ac teneantur, quam super assignatione, & incorporatione illius, dicto Monti faciendâ, ipsiusque Montis augmento, nec non super summa prædicta sexaginta millium scutorum inde redigenda, Nobis in subventionem prædictam tradenda, & assignanda, unum, vel plura instrumenta, cum conditionibus, renunciationibus, promissionibus, obligationibus, & in dicta ampliori forma Camera Apostolicæ pactis, decretis, cautelis, & clausulis quomodolibet necessariis, & opportunis celebrare, & alia quæcumque super his, etiam pro majori Montis prædicti, illiusque Collegii Montistarum, ac aliorum, qui pecunias suas in eodem Monte collocaverint, securitate, necessaria, & opportuna faceret, & exequi.

§.4. Ac ulterius ipsis modernis, & pro tempore futuris Congregationum prædictarum Procuratoribus generalibus, ut in earum quisque Congregationibus taxam, ut præfertur, statuendam, pro rata eas respective tangente, inter Monasteria, & Conventus earum dividere, & ab illis exigere, & Depositario dicti Montis quotannis, prout de antiqua taxa, seu rata fieri consuevit, consignare cum facultatibus, & auctoritatibus solitis, libere, & licite possint, & valeant, auctoritate Apostolica, tenore præsentium, plenam, amplam, liberam, & universalem facultatem, & auctoritatem, concedimus, & impartimur.

§.5. Et nihilominus omnia, & singula præmissa, ac alia, eorum vigore, per dictas Congregaciones, seu earum Procuratores prædictos, cum interventu dicti Thesaurarii generalis faciendâ, & Instrumenta desuper celebranda, cum omnibus in illis contentis, ex nunc, prout ex tunc, postquam

Partemque unicuique Monasterio assignandi pro fructu solutione.

Instrumentaque super hæc re cum Thesaurario Generali Camerae Apostolicæ faciendâ rata habet, & confirmat.

1594. Sicque in fin-
gulis Tribu-
naliibus judi-
candis esse
jubet.

Loca noviter
erigenda, &
jam erecta u-
num Montem
constituere
delectat.

Loca noviter
erigenda, &
jam erecta u-
num Montem
constituere
delectat.

Depositarium
eligit, itam
pecunias in-
subsidium pro
Bello contra
Turcas dum-
taxat impen-
dantur.

quam facta, & celebrata fuerint, auctoritate, & tenore præmissis, confirmamus, & approbamus, ac præsentium nostrarum Literarum munimine roboramus, omnesque, & singulos, tam juris, quam facti, ac etiam solemnitate forsan substantialium quomodolibet omisarum, si qui intervenerint in eisdem, præcipue vero defectus mandatorum specialium, ad præmissa faciendâ requisitorum, Motu, & scientia similibus, pari auctoritate, & tenore supplemus, eaque omnia, & singula valida, firma, & efficacia fore, &que plenarios, & integros effectus sortiri, & obtinere debere, ac per omnes, & singulas Congregaciones prædictas, perinde ac si ipsi Procuratores illas, cum speciali earum mandato, obligassent, ac alios omnes, ad quos spectabit, firmiter observanda esse.

§.6. Sicque per quoscumque Judices Ordinarios, & Delegates, etiam Causarum Palatii Apostolici Auditores, ac ipsius Camera Apostolicæ Præsides, Clericos, ac S. R. E. Camerarium, Thesaurariumque prædictum, & alios ipsius Camera Ministros, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, irritumque, & inane quidquid secus super his a quoquam, quavis auctoritate, scienter, vel ignoranter contigerit attentari, decernimus, & declaramus.

§.7. Præterea, pro majori Montis prædicti, illiusque Collegii Montistarum, nec non eorum, qui pecunias suas in dicto Monte collocabunt, cautela, & securitate, ex nunc pariter, prout ex tunc, postquam dictus Mons, vigore præsentium, ad quamlibet Locorum quantitatem auctus fuerit, quod tam antiqua, quam nova Loca augenda huiusmodi, unum, idemque Montis corpus, ac ultimorum Locorum Emptores cum antiquis Montistis unum, & idem Collegium, absque aliqua prorsus ratione prioritatis, seu posterioritatis differentia constituent, ac posteriora Loca, illorumque Emptores omnibus, & singulis gratis, exemptionibus, libertatibus, immunitatibus, facultatibus, & privilegiis, quibus antiquiora Loca, illorumque Possessores, juxta dicti Montis erectionis formam, utuntur, potiuntur, & gaudent, ac uti, potiri, & gaudere possunt, & poterunt in futurum, pariformiter, & æque principaliter uti, potiri, & gaudere possint, valeant, & debeant in omnibus, & per omnia, absque aliqua similiter differentia, statuimus, & ordinamus.

§.8. Volumusque etiam, eisdemque Procuratoribus generalibus, seu duobus ab ipsis Procuratoribus deputatis dictarum Congregationum, concedimus, ut loca prædicta Montis, vigore præsentium, augenda, cum interventu dicti Thesaurarii generalis, cuicumque Mercatori, seu alii personis meliorem conditionem offerentibus, pretio inter eos conveniendo, vendere, & alienare, pretiumque inde redigendum penes dilectum filium Joannem Bapti-

Bull. Rom. Tom.V. Par.II.

stam Ubertinum Depositarium nostrum generalem, seorsum ab aliis nostris pecuniis, deponere, itaut inde, nisi pro præstanda dicto Rodolpho Imperatori electo destinata ope, vel casu, quo bellum, antequam dictæ pecuniæ in usum præstatum convertantur, cessaret, ad effectum restituendi ipsis Congregationibus pro redemptione dicti Montis, percipi minime valeant, nec in alios quoscumque, quam in prædictos usus, converti, ullatenus possint, libere similiter, ac licite possint, etiam opportunam ad hoc quoque illis facultatem impartimur.

§.9. Decernentes præsentem Literas ullo unquam tempore, etiam ex eo, quod prædictæ Congregaciones præmissis expresse, ac nominatim non consenserint, aut alias quomodolibet de subreptionis, vel obreptionis vitio, aut intentionis nostræ, vel alio quocumque defectu notari, impugnari, invalidari, infringi, retractari, in jus, vel controversiam revocari, aut sub ullis revocationibus, suspensionibus, reductionibus, limitationibus, aut modificationibus comprehendere minime posse, nisi de earumdem præsentium toto tenore specialis, & ad verbum expressa mentio facta fuerit: sicque per quoscumque pariter prædictos, aut alios Judices Ordinarios, & Delegates, etiam S. R. E. Cardinales, sublata iis similiter, & cuilibet eorum quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane quidquid secus super his a quoquam, quavis auctoritate, scienter, vel ignoranter contigerit attentari.

§.10. Quocirca dilectis filijs nostris, & S. R. E. Camerario, ac Thesaurario generali prædictis, nec non Causarum Curia Camera Apostolicæ generali Auditori, per præsentem committimus, & mandamus, quatenus ipsi, vel duo, aut unus eorum per se, vel alios, ubi, quando, ac quoties opus fuerit, præsentem Literas, & in eis contenta quæcumque, solemniter publicent, ac in præmissis omnibus, & singulis efficacia defensionis præsidio assistentes, auctoritate nostra, omnia, & singula in præsentibus expressa, ac illarum vigore, faciendâ quæcumque ab omnibus, ad quos spectat, & in futurum spectare poterit, inviolabiliter observari. Contradictores quoslibet per censuras, & penas ecclesiasticas, aliaque opportuna juris, & facti remedia, appellatione postposita, compescendo, invocato etiam ad hoc, si opus fuerit, auxilio brachii secularis.

§.11. Non obstantibus quibusvis Constitutionibus, & Ordinationibus Apostolicis, præsertim se: re: Symmachi, Pauli II., Pauli IV., Pii V., ac aliorum quorumcumque Romanorum Pontificum Prædecessorum nostrorum de rebus Ecclesiæ non alienandis, ac Gregorii XIII. super reductione dicti Montis Novennalis, ac quibuslibet obligationibus de redimendo infra certum tempus prædictum Montem ab ipsis Congregationibus, aut quacumque ipsarum factis,

Clause.

Exequutores designat.

Contraria tollit.